



## **Informasjon om grunnskule for vaksne**

Grunnskule for vaksne er eit tilbod ved Stryn vaksenopplæringscenter for vaksne innbyggjarar i Stryn kommune som treng/har behov for grunnskuleopplæring.

Opplæringa kan bli tilpassa ditt behov, så langt det er råd, både i omfang, lengde og tidspunkt for undervisninga slik at du vil få eit forsvarleg utbyte av opplæringa.

### **Kven har rett til grunnskule for vaksne?**

Vaksne som ikkje har fullført norsk grunnskule, eller ikkje har tilsvarande utdanning på minst 9 år frå eit anna land har rett til grunnskule. Sjølv om du allereie har vitnemål frå grunnskulen, kan du likevel ha rett til opplæring i fag dersom den tidlegare opplæringa har vore mangelfull.

Vilkår:

- Du er over opplæringspliktig alder (over 15 år)
- Du har ikkje rett til vidaregåande skule - ungdomsrett (etter opplæringslova § 3-1)
- Du har lovleg opphald i Norge, eller ventar på søknad om opphaldsløyve (ungdom under 18 år)
- Du har behov for opplæringa – dette blir vurdert i kartleggingssamtalen.

### **Kva opplæring kan du søkje om?**

- Full grunnskuleopplæring (alle faga som trengst for å få vitnemål)
- Opplæring i enkeltfag
- Opplæring i delar av fag
- Opplæring i grunnleggjande ferdigheiter (å uttrykkje seg munnleg, lese, skrive, rekne, bruk av digitale verktøy)

### **Kva tilpassing kan ein ha rett på?**

- Tilpassing på grunnlag av realkompetansen din
- Tilpassing på grunnlag av livssituasjonen din
- Tilpassing på grunnlag av særlege behov.



### **Du kan få vitnemål på tre forskjellige måtar**

Du kan:

- Gjennomføre grunnskuleopplæring ved vaksenopplæringa i faga norsk, engelsk, matematikk, samfunnsfag og naturfag, som er dei fem faga du treng for å få vitnemål
- Studere på eiga hand, og melde deg opp som privatist - søknadsfrist
- Få udokumentert kompetanse vurdert – realkompetansevurdering

### **Treng du hjelp til å søkje?**

Stryn kommune har plikt til å hjelpe deg med å søkje om grunnskuleopplæring eller opplæring i grunnleggjande ferdigheiter, jf. §11.

Du kan ta kontakt med Stryn Vaksenopplæringscenter eller andre for å få hjelp.

Dersom nokon andre søkjer for deg, må vedkomande ha fullmakt.

### **Når får du svar på søknaden?**

Stryn kommune må behandle søknaden din så snart som mogleg. Dersom du ikkje har fått svar innan ein månad, skal du få skriftleg svar som gir ein grunn og opplysningar om når kommunen vil svare deg. Oppstart av tilbodet skal vere innan rimeleg tid etter at kommunen har gjort eit vedtak. Kortid tilbodet ditt startar opp vil stå i vedtaket du får.

### **Er du ikkje einig i vedtaket?**

Du kan klage på vedtaket viss du ikkje er einig med det kommunen har vedteke. Fristen er 3 veker frå du fekk vedtaket frå kommunen. I klagen må du forklare kva du ønskjer å endre, og kvifor. Kommunen kan hjelpe deg med dette. Du kan også klage dersom du ikkje er fornøgd med opplæringa du får.

Klagen skal du sende til: **Stryn Vaksenopplæringscenter v/ rektor, Rognehaugen 11, 6783 Stryn.** Dei vil sjå på klagen din, og vurdere om ein skal forandre på noko. Dersom kommunen ikkje vil forandre noko, blir klagen din sendt vidare til Statsforvaltaren i Vestland.

Du får svar på klagen din når saka er ferdigbehandla.



**Ta gjerne kontakt dersom du har spørsmål!**

**Med vennleg helsing**

**Hilde Nesje**

**Stryn Vaksenopplæringscenter**

**Rognehaugen 11, 6783 Stryn**

**Tlf. 57 87 61 90 / [hilde.nesje@stryn.kommune.no](mailto:hilde.nesje@stryn.kommune.no)**

**Lowverk**

Opplæringslova §4A-1 Rett til grunnskuleopplæring for vaksne

Opplæringslova §4A-2 Rett til spesialundervisning for vaksne

Opplæringslova §4A-3 Rett til vidaregåande opplæring for vaksne

Forskrift til opplæringslova §1-2 Grunnskuleopplæring for vaksne

Rundskriv Udir-3-2012 Vaksne sin rett til grunnskuleopplæring etter opplæringslova kapittel 4A